

քերն են դնում. փողոցը պիտի ծակեն. տասը
յարկանոց տուն պիտի շինեն...

Ինչե՞ր չեն ասում:

— Մարգար աղա, դու որ ամէն բան զի-
տես, մի ասի՛ր՝ տեսնենք ի՞նչ են շինում:

Մարգար աղան խորհրդաւոր ժպտում է:

— Դէ լա՛ւ, ականջիս ասի՛ր, մեր մէջ կը
մնայ:

Մասնաւոր վաճառականներ արտօնութիւն
են ստացել, ուսանելի հետ համաձայնութիւն
են կապել ու ցիրկ են շինում:

— Կրկէ՞ս... Հայաստան՞ում...

Մարգար աղան նայում է Արարատին, եւ
ինքնազոհ, երկարօրէն ժպտում է:

* * *

Պետական մեծ դադոնիքը վաղուց տարած-
ուել է:

Մտաւորականութիւնը մնացել է շուարած,
չի իմանում ինչ մտածել: Սակայն, առանց հա-
մարձակելու քննադատել իշխանութեան որո-
շումը, որ միշտ էլ իմաստուն է, ոմանք փոր-
ձում են տրանջալ:

— Եղբայր, ամէն բան եղաւ, ցի՞րկն էր
պակառ...

— Հը՛... րը՛... հը՛...

— Ինչպէ՞ս...

— Հա էլի...

Գոհ է պետական թատրոնի վարիչը: Իշ-
խանութեան որեւէ ձեռնարկի առջեւ նա դոհ
է:

— Առաջադիմութեան նշան է... տեսէք
Մոսկուան... Լուսաչարսկին գրել ա... Վը-
նաս թատրոնի՞ն՝ երբե՛ք: Ներդաշնակ մարմնի
խաղը, ձիերը, ճկուն մկանների գեղեցկութիւ-
նը... Վերջապէս, թող ուսւ արտիստներն էլ
զան տեսնեն, որ այստեղ երկիր կայ, որ ապ-
րում է, գործում է, առաջադիմում է: Դո՛ւրս
զանք յետամնաց դաւառի մեր հանդամանքից
եւ բաց անենք մի պատուհան դէպի քաղաքա-
կրթութիւնը...

Փրփուրը բերանին, բառերի կէսը ուտե-
լով, կատաղօրէն ճառում է, պաշտպանում:

Իսկ այնտեղ, չէնքի մօտ, մի քանի բան-
ուորներ քրտնատանջ աշխատում են: Անտաշ
տախտակները բոլորածեւ դամում են, սղո-
ցում, աղմկում: Խուժանի լաճերը չորս կողմը

պտտում են, անդուսպօրէն հետաքրքիր, ներս
են մտնում, խանգարում, պատի վրայ ցցւում,
ապագայի համար ծակեր որոնում: Բանուոր-
ները հայհոյում են, քար նետում, սպանում:
Ի դո՛ւր: Նորից վերադառնում են, տախտակ-
ների վրայ խաղ անում, ցատկում, դամերն
գողանում շուկայում ծախելու համար, փայ-
տերը տանում՝ գիշերը վառելու համար:

— Աղպար, դա ի՞նչ փորձանք է, դա ի՞նչ
փորձանք է...

Ու «փողբաշինները» վաղում են տղոց ե-
տեւից, փայտի կտորները յետ առնում, շըն-
չասպառ դէս դէն նետում, պոռում, կանչում:
Փո՛ղ են տուել ամէն մի կտոր փայտին, ամէն
մի դամին ոսկի փո՛ղ են տուել:

— Շա՛ն որդիք...

Ժամը Ծ-ին, Արովեանի վրայ ման եկող
ժողովուրդը փողոցը ծոռում է, չէնքի առջեւ
երկար կանգ առնում:

— Ընկեր, ի՞նչ են շինում:

— Յիրկ:

— Հը՛...

* * *

Խողը եկել է Հայաստան:

Նախ այդպէս էր: Առաւօտեան մօտ, երբ
աշակերտ ու աշակերտուհի աչքերը ճմուռով
դպրոց էին վազում, երբ կաշուէ ծրարները թե-
ւերի տակ պաշտօնեաները սաքերը քարշ տա-
լով, ծուլօրէն կանգ էին առնում հիմնարկու-
թիւնների առջեւ, երբ խանութպանները դռնե-
րի վրայ չորացած ձուկերն էին կախ անում,
երբ Մարգար աղայի սրճարանում մի քանի
պատասխանատու ընկերներ ձուկ էին ուտում
եւ թէյ խմում, երբ Նորքի կողմից գելադայի-
ներ էին իջնում ձեռքերին մի քիչ մածուն եւ
մի քիչ եղ բռնած, մի մարդ՝ ուտերը լայն, դե-
ղին փոքրիկ մօրուք, մորթէ գլխարկ՝ կարմիր
թռուցիկներ էր բաժանում:

Հետաքրքրուած ամէն մարդ կարդում էր:
Թռուցիկի մէջ ասուած էր.—

Հե՛ն Ա.ԳԻՐ

Ուրախ լուր! ուրախ լուր! ուրախ լուր!
ԵՐԵՒԱՆՑԻՆԵՐ,

Այսօր ժամը 4-ին, կէսօրից յետոյ, Խոր-
հրդային Հայաստան նոր եկած Կրկէսի խում-